

Broj:02-11-468-3/24  
Sarajevo, 22.11.2024. g

**ČLANOVIMA STOMATOLOŠKE KOMORE  
FEDERACIJE BOSNE I HERCEGOVINE  
S V I M A**

**PREDMET: Obavijest**

Poštovani članovi Stomatološke komore Federacije Bosne i Hercegovine (u daljem tekstu: Komora), u povodu zahtjeva pojedinih članova Komore da se na izdate licence umjesto naziva „dokor stomatologije“ predvidi naziv „doktor dentalne medicine“, obavještavamo Vas o sljedećem:

Članom 137. Zakona o zdravstvenoj zaštiti („Službene novine Federacije BiH“, br. 46/10 i 73/12) regulirano je da su zdravstveni radnici lica koja se obrazuju na stomatološkom fakultetu. U cijelom tekstu citiranog Zakona koristi se stručni naziv „doktor stomatologije“. Također, u Zakonu o stomatološkoj djelatnosti („Službene novine Federacije BiH“, broj 37/12), također, se koristi stručni naziv „doktor stomatologije“.

Članom 147. Zakona o zdravstvenoj zaštiti utvrđeno je da se zdravstveni radnik nakon položenog stručnog ispita, obavezno upisuju kod nadležne komore u registar zdravstvenih radnika i time stiču pravo na izdavanje licence.

Program obavljanja pripravničkog staža za doktore stomatologije, ako stomatološki fakultete nije završen po bolonjskom sistemu obrazovanja, polaganje stručnog ispita i izgled uvjerenje o položenom stručnom ispitu utvrđen je Pravilnikom o pripravničkom stažu i stručnom ispitu zdravstvenih radnika („Službene novine Federacije BiH“, br. 99/21 i 12/22).

Nakon izdatog uvjerenja o položenom stručnom ispitu u stručnom zvanju doktor stomatologije, u smislu odredbi citiranog Pravilnika, doktori stomatologije obraćaju se Stomatološkoj komori Federacije Bosne i Hercegovine radi izdavanja licence u smislu odredbe člana 148. Zakona o zdravstvenoj zaštiti i odredbi Pravilnika o postupku izdavanja licence, kao i sadržaju i izgledu licence („Službene novine Federacije BiH“, broj 82/13). Sadržaj i izgled licence je utvrđen navedenim pravilnikom.

Iz izloženog slijedi da se na licenci ne može utvrditi drugačiji stručni naziv od onoga koji je utvrđen na uvjerenju o položenom stručnom ispitu, a što je u skadu sa citiranim propisima.

Znači, za doktore stomatologije se nakon uspješnog položenog stručnog ispita izdaje uvjerenje o položenom stručnom ispitu u zvanju doktor stomatologije, te se slijedom toga i u licenci koju izdaje Komora navodi isti naziv „doktor stomatologije“.

Koristim priliku da Vas još jednom podsjetimo da smo Vas blagovremeno obavijestili da je Komora otpočela rad na izradi stručnih osnova Zakona o dentalnoj medicini, a u cilju implementacije Direktive EU o reguliranim profesijama.

O prednjem se obavještavate radi znanja.

S poštovanjem,

Stomatološka komora  
Federacije Bosne i Hercegovine